

Deepfeyk kontent va siyosiy reputatsiyaga tahdid: ijtimoiy tarmoqlar mas'uliyati masalasi

Sun'iy intellekt asosida yaratilayotgan deepfeyk texnologiyalari siyosiy kommunikatsiya jarayonida jiddiy axborot va axloqiy muammolarni yuzaga keltirmoqda. Bunday texnologiyalar orqali siyosatchilar nomidan soxta bayonotlar yoki ularning obro'siga putur yetkazuvchi videolar tayyorlanishi jamoatchilik fikrini manipulyatsiya qilishga xizmat qilishi mumkin. Ayniqsa, saylovlar arafasida bunday kontentning tarqalishi demokratik jarayonlarning shaffofligi va axborot ishonchliligiga tahdid soladi.

Masalan, 2024-yilda ijtimoiy tarmoqlarda sun'iy intellekt yordamida yaratilgan deepfeyk video keng tarqaldi. Unda Buyuk Britaniya siyosatchisi Keir Starmer go'yoki o'z xodimiga nisbatan qo'pol va haqoratli so'zlar ishlatayotgani tasvirlangan. Aslida mazkur video sun'iy intellekt yordamida montaj qilingan bo'lsa-da, u ijtimoiy tarmoqlarda turli salbiy izohlar bilan tarqaldi. Ayrim foydalanuvchilar izohlarda Starmerni "jirkanch bezori" sifatida ta'riflab, uning siyosiy obro'siga putur yetkazuvchi munosabatlarni bildirishgan¹.

Mazkur vaziyatda muhim muammolardan biri – ijtimoiy media platformalarining kontentni nazorat qilishdagi mas'uliyati hisoblanadi. Videoni joylashtirgan ijtimoiy tarmoq foydalanuvchilar va mutaxassislar tomonidan yuborilgan murojaatlarga qaramay, mazkur deepfeyk videoni o'chirishni rad etgan. Bu esa raqamli platformalar faoliyatida axborot xavfsizligi, kontent moderatsiyasi va jamoatchilikni noto'g'ri axborotdan himoya qilish masalalarining dolzarbligini yanada kuchaytiradi.

Ushbu holat jurnalistik faoliyat uchun ham muhim axloqiy saboq hisoblanadi. Deepfeyk texnologiyalarining rivojlanishi sharoitida jurnalistlar va media tashkilotlari fakt-cheeking mexanizmlarini kuchaytirishi, sun'iy intellekt orqali yaratilgan manipulyativ kontentni aniqlash usullarini rivojlantirishi hamda jamoatchilikni ishonchli axborot bilan ta'minlashga alohida e'tibor qaratishi zarur. Aks holda, bunday soxta materiallar nafaqat siyosiy shaxslarning reputatsiyasiga, balki umumiy axborot muhitining ishonchliligiga ham salbiy ta'sir ko'rsatishi mumkin.

¹ Flourish. DATES-AI-Elections-Europe // Flourish Studio.2024. <https://flo.uri.sh/visualisation/18134407/embed>